

# Te Reo Rangatira Kaupae 3

## Te Pūrongo Aromatawai ā-Waho 2025



Te Marautanga o Aotearoa  
 Te Rā Aromatawai  
 Te Momo Aromatawai  
 Ngā Paerewa Paetae

Te Reo Rangatira  
 17 o Noema, 2025  
 He Whakamātautau aromatawai ā-waho  
 91804, 91806, 91808.

### Te Wāhanga 1: He Tirohanga Whānui

#### 91804:

He Whakamātautau tuhituhi tēnei e kitea ai ngā pūkenga tātari i te ahunga me te panoni o te reo tae atu ki ngā whakaaro matapae te hanga, ngā aronga, ngā ritenga me ngā rerenga kētanga o ngā tuhinga e rua, e puta ai i ngā tuhituhi kounga e whaitake ana.

#### 91806:

KOTAHI te tūmahi tuhituhi ōkawa o tēnei whakamātautau. E rua ngā tuhinga, ko te Te Pakanga ki Rangiriri: 160 Tau, me Ngāti Awa Te Tai, ka tautuhi, ka whakawāwā, i ngā waipaki hei mārohirohi i ētahi āhuatanga e hāngai ana ki ngā kaupapa o ngā tuhinga.

#### 91808:

He whakamātautau e kite ai i ngā pūkenga tātari tuhituhi me ngā whakaaro o tētahi tuhinga hei whakaoti mā ngā ākongā.

Nā konā, ka tuhi i ngā whakatakotoranga me ngā āhuatanga momo reo tuhituhi, e kitea ai te hōhonutanga o te whakaaro, te hihiri ki te kaupapa, me te whaihua o te tuhinga mai i te puna tikanga.

## Te Wāhanga 2: He kōrero mō te Paerewa

### 91804: Te tātari i te ahunga o te reo

#### Te Tirohanga:

He aromatawai e taea ai te whakautu e te nuinga o ngā ākonga. Ka kitea te āheitanga o te ākonga ki te tātari i ngā āhuratanga o te reo e panoni ana i te horinga o te wā. He kaha anō hoki ngā ākonga ki te whakapuaki whakaaro mō te ahunga atu o te reo i ēnei rā.

#### Pūrongo Paerewa Paetae:

Ko ngā Ākonga i eke ki te **Kairangi** i te paerewa paetae nei:

- he rētō, he tatao anō hoki te ruku ki te tātari, ki te whakawāwā i ngā tini panonitanga o te reo e kitea ana i ngā tuhinga.
- i maringi noa ngā whakamahukitanga mō te ahunga o te reo i ēnei rā me ngā take e rerekē ai.

Ko ngā Ākonga i eke ki te **Kaiaka** i te paerewa paetae nei:

- i whānui tonu ngā whakamārama a te ākonga mō ngā panonitanga me ngā ōritenga o ngā reo i ngā tuhinga e rua.
- i rere tonu te reo o te ākonga nōna e matapae ana i te ahunga o te reo i ēnei rā.

Ko ngā Ākonga i eke ki te **Paetae** i te paerewa paetae nei:

- i whakaputaina ētahi whakaaro e matapakihia ana ngā panonitanga o te reo i ngā tuhinga e rua.
- i whakatakotohia ētahi whakaaro mō te ahunga o te reo i ēnei rā.

Ko ngā Ākonga **Kāore i whiwhi** i te paerewa paetae nei:

- kāore e hāngai ana ngā whakamārama ki ngā tuhinga.
- he iti rānei te puna tuhituhi kupu a te hunga nei.
- he tāruarua rānei i ngā tuhinga o te aromatawai.

## 91806: Te tūhura i ngā tuhinga raupeka

### Te Tirohanga:

He aromatawai e taea ai te whakautu e te nuinga o ngā ākonga. Kua kitea te āheitanga o te ākonga ki te tautuhi i ngā waipaki matua o ngā tuhinga e rua. He kaha hoki ngā ākonga ki te whakawāwā i ngā rautaki tito kōrero i whāia ai e ngā kaituhi.

### Pūrongo Paerewa Paetae:

Ko ngā Ākonga i eke ki te **Kairangi** i te paerewa paetae nei:

- he rētō, he tatao anō hoki te whakawāwā i ngā rautaki i whāia ai e ngā kaitito ki te kawē i ā rāua tuhinga.
- he autāia anō hoki ki te whakamahuki i ngā waipaki, i ngā peka hoki o ngā tuhinga.

Ko ngā Ākonga i eke ki te **Kaiaka** i te paerewa paetae nei:

- he whānui te whakamārama a te ākonga ki ngā waipaki e kitea nei.
- he whānui hoki tāna whakamārama i ngā rautaki i whāia ai e ngā kaitito ki te whakaari i ngā waipaki matua o ngā tuhinga

Ko ngā Ākonga i eke ki te **Paetae** i te paerewa paetae nei:

- i tautuhia t/ētahi waipaki o ngā tuhinga e rua.
- i matapakitia ngā tuhinga, ā, i kitea ōna māramatanga ki ngā tuhinga.

Ko ngā Ākonga **Kāore i whiwhi** i te paerewa paetae nei:

- kāore e hāngai ana ngā whakamārama ki ngā tuhinga.
- he iti rānei te puna tuhituhi kupu a te hunga nei.
- kāore pea i kitea t/ētahi waipaki matua o ngā tuhinga.

## 91808: Te whakaoti tuhinga

### Te Tirohanga:

He aromatawai tēnei i tino whāia ai e te nuinga o te kāhui ākonga. Ka rangona te reo koroingo o te ākonga ki te whiriwhiri i ngā hanga o te tuhinga, ki te whakawhanake hoki i te ahunga me te ia o te kaupapa kōrero i āta whakaritea ai i te upoko kōrero.

### Pūrongo Paerewa Paetae:

Ko ngā Ākonga i eke ki te **Kairangi** i te paerewa paetae nei:

- he nanakia te kawē i te wairua o te tuhinga ki tōna otinga.
- i tino kitea te mahi a te nuka reo hei whakaaraara i te ahunga me te ia o ngā kōrero.
- i autāia te whiriwhiri me te whakawhanake i ngā tohe hei whakaū i te tāhū roa o te tuhinga.

Ko ngā Ākonga i eke ki te **Kaiaka** i te paerewa paetae nei:

- i tautuhi, i whiriwhiri i ngā hanga hei whakawhanake i te tuhinga.
- i whakamahia te nuka reo, pēnei i te whakataukī, hei hiki, hei kawē anō hoki i te wairua o te kōrero.

Ko ngā Ākonga i eke ki te **Paetae** i te paerewa paetae nei:

- i tautuhia ētahi hanga o te tuhinga hei whakawhanake i tana tuhinga whakaotinga.
- i kitea tōna mōhiotanga ki te kaupapa i te hāngaitanga o ana tuhinga.

Ko ngā Ākonga **Kāore i whiwhi** i te paerewa paetae nei:

- kāore i tuhi i tētahi tuhinga whakakapinga, engari he tuhinga whakamārama kē.
- kāore e puta te mātau ki tēnei taumata, he itinga nō te puna reo.
- he tāruarua rānei i ngā tuhinga o te aromatawai.